

四庫全書

史部

欽定四庫全書

江西通志卷九十八

列女

瑞州府

元

楊某妻蕭氏高安人年三十夫卒子珍方四歲貞淑勤
儉養姑有禮教子有方邑里稱其賢年八十八後嗣
益蕃人以為貞節之報

教某妻胡氏高安人年二十九夫卒撫孤智事聞旌其
閭

張立試妻高氏高安人遭紅巾之亂欲辱之高罵不絕
口至風源廖家井投入而死

李馬兒妻袁氏瑞州人至正二十四年李病歿袁年十
九誓不再嫁以養舅姑有王成者聞袁有殊色挾勢
欲娶之袁曰吾聞烈女不更二夫寧死不失其身也
遂往夫墓痛哭縊死樹下

元史

蔡元通母新昌人有貞節碑揭于栢樹巷

明

劉啟一妻張氏高安人年二十夫亡守節奉姑孝謹撫孤趙孫至於成立歷五十餘年洪武間旌表

沈元輔妻涂氏高安人適上高沈氏元至正間元輔為歐祥兵所殺時涂年二十五撫孤守節三十餘年洪武間旌表

李崇文妻漆氏上高人年二十九崇文卒撫孤守節歷

四十七年同邑熊伯輕妻王氏年二十八子方一歲
伯輕卒撫孤守志俱於洪武間旌表

蕭渭妻邵氏字慕貞高安人年二十夫亡無子苦志守
節正統間巡撫侍郎趙新題旌

況昊妻吳氏上高人年二十二夫亡撫遺腹子正道成
化間旌

游氏名奴貞上高游仲高之女許聘盧節雍未醮而節
雍客死奴貞紡績自守父母欲其改適不從鄉里重

之時以粟帛贈焉呼之為姑年七十餘卒

明一統志

張鳳翔妻萬氏新昌人年二十五守節撫孤歷六十餘

年成化間旌門

劉習恭妻江氏新昌人年二十撫遺腹子守節事聞旌表

熊英偉妻張氏胡順爵妻張氏俱新昌人姊妹皆早寡守節撫孤歷三十餘年弘治間旌表

劉啟常妻吳氏高安人年二十歲啟常卒子孟在襁褓

家計甚蕭索吳勤紡績以供翁姑斷髮齧指誓無二
志孀居四十餘年而歿弘治間知府請旌表豫章書
況志經妻彭氏高安人年二十四夫亡撫遺孤文憲壽
七十有三同邑劉思妻況氏夫亡守節俱於正德間
旌表

姜榮妾竇氏名善惠京師人榮為本府通判正德五年
夏竇為華林盜所執強行至花塢村乘間投井而死
知府鄺璠上其事詔旌曰貞烈建祠祀之天啟間郡

守陶履中飭其祠御史曹谷作碑記

張榮一妻蕭氏高安人年二十七孀居正德五年冬為
華林盜所執罵曰我誓不為賊狗所辱乃斬之數斷
又黎玉亮妻殷氏孀居十年正德六年夏為華林賊
所執脅以刃不屈罵賊投河賊以鎗刺其胸背而死
俱題旌祀貞烈祠

朱應恢妻胡氏高安人年十九喪夫撫遺腹子歷三十
七年正德間華林賊經其居走匿園中為所執罵曰

我四十年老寡婦也賊奴敢爾耶賊怒斬身分首而去

黃暖妻幸氏高安人正德六年夏為華林盜所執罵賊躍入塘中賊連斫數刃而死題旌祀貞烈祠

按黃烈婦林志作幸氏安志作辛氏今從林志

朱治一妻梁氏名雁貞高安人正德六年冬為華林賊所執擁之行數里倒淖泥中不起賊怒殺之題旌祀貞烈祠

熊烈女名貴貞高安熊奇雅之女年十八為華林賊所執女投河以死事聞受旌明一統志

熊武六妻胡氏高安人正德七年春為華林盜所執罵不絕口賊知終不可奪乃剖之題旌祀貞烈祠

况夔妻廖氏名足貞高安人正德七年為華林賊所執迫之使行乃曰我何人而從汝耶賊削其鼻斫其額而死題旌祀貞烈祠

劉士恕妻陳氏新昌人年二十三守節撫孤安仲長亦

娶陳氏安仲早卒婦姑守節以老縣令李長表以詩
云孤燈共守三更淚白首相看一樣心正德間旌表
聶端冕妻丁氏廖啟妻王氏俱上高人正德七年丁為
華林賊執不肯從行拽之黃耆嶺殺之時年二十七
王氏亦死其地人稱為雙節嶺

晏廷相妻李氏上高人名毓貞正德七年春為華林賊
所執給以取金自贖逸入牀下憤罵賊叢槊而死

朱丑四妻熊氏高安人為華林賊所掠罵賊而死題旌

祀貞烈祠

王恪妻黃氏高安人華林兵變同夫渡河恪遇兵黃以身冒夫被刃而死恪得免旌節立坊

漆脩德妻張氏新昌人年少撫孤守節奉詔旌門

陳錦妻周氏高安人年二十守節正德九年旌表

陳政母羅氏新昌人早寡守節教子政官至侍郎奏旌

壽八十四又胡文魁妻劉氏年二十六撫孤守節歷

三十餘年司空陳政有傳

毛氏雙節俱新昌人毛鳳雲妻漆氏年十九適毛甫三月夫亡遺腹生子仁本矢不二天事姑育子鳳雲叔盛璉亦矢其妻王氏年二十五撫子鳳武二氏相依守節侍御王相傳其實

王彥常妻朱氏新昌人年二十四撫孤守節壽九十一而終同邑羅中權妻余氏年二十五撫孤守節壽九十見五世孫又毛衡晉妻汪氏羅友文妻熊氏盧八音妻葉氏蔡良載妻巢氏巢居佐妻蔡氏俱少寡撫

孤以節壽終

蕭洪妻蔡氏新昌人年十七而寡立嗣守節又漆濬淮妻陳氏陶秉彛妻黃氏蔡良迪妻胡氏俱少寡無子以節終

巢居權妻李氏新昌人年二十四而寡撫遺腹子守節壽七十五同邑胡朗妻江氏年二十四而寡撫孤守節姚郁繼妻劉氏郁赴公車卒劉年二十五撫孤守節邑令俞宗梁均為請旌

嚴旦妻傅氏妾楊氏上高人雋年二十五而旦歿與楊同心守節以老郡守題雙節耿光獎之

陳正道妻鄧氏高安人年二十而寡撫孤守節同邑況伯珙妻鍾氏年二十而寡撫遺腹子守節俱於嘉靖間旌表

黃榜先妻朱氏名淑貞高安人年二十生子雲龍榜先卒撫孤守節嘉靖間御史秦鉞題請旌表

傅孟春母劉氏高安人年二十一夫亡撫孤孟春後孟

春登嘉靖乙丑進士疏聞旌表其門

傅應東妻吳氏高安少保吳山女年十六應東入贅京
邸未暮應東歿吳哀毀幾絕家人歸應東喪不以聞
吳知之奔扶柩歸奉姑守節父為立嗣以成其志嘉
靖間旌表

陳禧妻宋氏高安人年二十三禧卒子汝捷甫生五月
宋矢志守節撫孤奉孀姑孝養備至嘉靖壬辰巡按
秦鉞題旌

吳一鶚妻朱氏字多貞高安人年十九撫孤守節及孤夭折撫二孫夢說智學成名奉勅建坊額曰坤儀正氣

藍秋妻金氏高安人秋早歿矢志守節隆慶間旌表
廖啟通妻吳氏高安人年十七啟通卒撫遺腹子守節
巡按任忠題旌又同邑廖希中妻周氏年十八夫亡
守節旌表

吳夢翔妻唐氏名翠貞高安人歸吳二年無子守節同

邑胡曜妻晏氏名祥貞早寡撫孤守節徐天賜妻張氏名毓貞年二十孀居奉親撫孤成立俱於萬歷間旌表

潘埭妻晏氏上高人年二十埭亡撫孤守節壽六十八同邑李昭妻況氏夫喪哀痛不食三日死俱於萬歷間旌表

吳某妻況氏高安人夫亡守節又楊繼隆妻熊氏十八歲夫亡生子士宗僅半月守節歷三十三年俱萬歷

間旌

黃邦彥母謝氏高安人年二十四孀居撫邦彥成名兩
中乙榜萬歷間題旌貞節

況孚卿妻李氏名戊貞上高人年十九夫亡撫孤守節
壽六十五萬歷間旌表

鄭敬棠妻劉氏名仙貞上高人年二十三守節撫二子
長欽瑚次欽璉守節養姑萬歷間御史孫旬題請旌
表

趙山甫妻胡氏新昌人年十八守節撫姪為嗣年八十
三萬歷間旌表又胡呈勛妻陳氏新昌舉人陳夔女
年二十八撫孤守節邑令吳節申請旌表

朱繼亨妻張氏名京貞高安人早寡撫孤守節又梁越
妻傅氏名玉貞蕭連妻朱氏名相貞俱早寡撫孤熊
時堯妻盛氏守節歷五十餘年俱於天啟間旌表

黃雲齊妻鍾氏名妙節上高人早寡守節壽至百歲
熊汝道妻蔡氏新昌人年二十六夫歿無子守節姑死

盡哀建坊旌表又劉士謀妻陳氏年二十五撫孤守節壽八十巡按劉思問題旌

王一鶚母傅氏高安人早寡守節撫孤壽八十一鶚登進士第又幸立泰妻何氏年二十撫孤守節歷四十餘年

蔡夢熊妻趙氏新昌人年十九守節撫孤歷四十二年旌表又劉仁成妻張氏年二十守節撫孤有司旌之廖五傳妻潘氏名坤貞上高人年二十五撫孤守節歷

四十餘年崇禎間旌表

陳信妻熊氏高安人姑雷氏病篤刲股療之崇禎間題旌

鄒魯爵妻劉氏新昌人年二十一撫孤守節建坊旌表
王師曾妻戴氏名玉貞上高人年十九守節歷五十餘
年撫孤國匡後登乙榜人以為苦節之報

劉佇正妻黃氏必遠妻陳氏元成妻張氏俱新昌人早
寡守節又劉彥立妻張氏年二十四撫遺腹子守節

壽七十

漆觀源妻熊氏新昌人年二十四夫亡守節撫孤嘉祉
成崇禎辛未進士疏母節于朝建坊旌表壽八十而
終

黃元臣妻丁氏名鳳貞上高人年二十二夫亡事舅姑
孝謹撫二子高登俱成立孀居五十載邑令歐祖賢
申請旌表

周汝器妻胡氏名金貞高安人年二十五守志上事二

姑下撫二子孀居五十餘年奉旌節孝

李九華妻劉氏新昌人家貧事舅姑以孝聞崇禎戊寅
劉隨九華任井陘兵備駐獲鹿縣賊至城陷劉與第
三子亮投烈焰死少子亮投井死招魂歸葬吳甘來
為表其墓癸未井陘兵備楊汝經獲鹿令游允達建
祠祀劉及二子

國朝順治己亥獲鹿令易道沛大恢祠宇復建亭以覆
其井題曰取義

陳汝彥妻劉氏高安人年二十夫死守節奉姑以孝撫子以慈崇禎十四年具題請旌年八十而終

王和鼎妻劉氏新昌人年二十八撫孤誓節教子以繩先志禮部吳泰來大行毛達俱有傳又同邑劉應進妻徐氏劉用文妻鄔氏鄔尚德妻戴氏俱少寡撫孤以節壽終

羅仁妻劉氏高安人早寡守節上奉壽母下撫遺孤始終如一年七十巡按周燦題請旌表

西巡政略

舒景昂妻晏氏鄭奇秀妻嚴氏潘魁梧妻李氏沈繼夔
妻晏氏黃璠繼妻敖氏江良偉妻楊氏李德元妻陳
氏聶應允妻黃氏鄭元鴻妻劉氏黃頤妻胡氏王崧
妻曾氏黃廷龍妻熊氏李天和妻易氏王文進妻戴
氏晏紹鬻妻趙氏黃公望妻羅氏曹登妻李氏羅應
嵩妻江氏李宗奇妻何氏黃文杞妻李氏況文繼妻
左氏吳偉妻朱氏沈本源妻況氏周廷秀妻黃氏況
應昌妻鄭氏俱上高縣人矢志守節旌表如例

陳良驂妻傅氏凌于鳳妻喻氏藍友黃女學貞廖京妻

陳氏劉大紹妻范氏袁維墉妻羅氏劉定先妻鄒氏

胡南妻黃氏涂士春妻何氏譔會桂妻汪氏吳郁妻

葉氏吳懷妻胡氏傅某妻王氏傅遷妻田氏

俱高安人死於

左兵之亂

國朝

黃國璉妻朱氏新昌人年二十矢志守節歷四十五年

國璋妻朱氏年二十六守節歷二十五載並康熙三

十年建坊旌表

焦遇春妻黃氏高安人壽百歲康熙四十五年具題建百歲坊於拱辰門內額曰貞壽之門

張虬妻彭氏新昌人年二十三夫死絕粒數日舅姑責以大義乃強起撫孤守志康熙六十一年旌表

漆建妻李氏新昌人年甫笄夫死家貧苦志守節奉姑盡孝訓子成立又同邑漆掄祚妻熊氏胡位化妻李氏劉璋成妻周氏俱年二十餘守志各四十餘年俱

雍正四年旌表

漆啟正妻張氏新昌人年二十一撫孤守節雍正五年

奉旌

劉守發妻吳氏新昌人順治乙酉掠於寇至里門外識
潭水深處躍入水中厲聲罵賊死雍正六年旌表

譙日昇妻陳氏陳國張妻鄧氏譙粲妻唐氏李恒日妻

劉氏李喜妻楊氏李氏女轉貞

俱高安人順治戊子死金聲桓之亂

況紹脩妻鄭氏名祿貞

上高人順治甲申死窩賊之亂

李簡慶妻劉氏江英妻熊氏傅廷相妻陳氏彭元瑞妻

聶氏

俱新昌人順治乙酉丙戌及康熙丙辰死寇亂

袁州府

宋

孝宗成恭夏皇后宜春人曾祖令吉吉水簿父協后生
有異光穿室及長選入宮侍懿聖太后閣中孝宗為
王時夫人郭氏薨太后以后賜之即位進賢妃踰年
立為皇后乾道二年命謁家廟宗族親屬推恩者十

一人三年崩冊謚安恭皇后攢會稽園陵慶元改謚

成恭

宋史后妃傳

元

龍均用妻陳氏萬載人至元三年兵亂被掠自刎死

陳九淵妻袁氏分宜人元季亂邑萬戶三同者聞袁美
殺其夫欲娶之袁曰夫為我死我當以死報遂自刎

明一統志

明

張鼎實妻教氏萬載人元末舅姑及夫俱歿於寇教年二十餘無子以兄子安保為嗣撫訓成立洪武二十三年旌

李奇山妻張氏萍鄉人年二十三守節洪武中旌

袁軾妻黃氏宜春人有淑德子五人科甲者三季子業泗成進士官副使贈中憲大夫張封恭人壽百歲

孫氏宜春人許聘陽遵哲陽當戍遼東父議別婚孫自縊而死

孫氏分宜人許聘歐陽翬翬當戍父議他適即自縊且
曰及吾夫未去使知吾無異志也

常氏女名秀蘭萬載人年十七遇鄉賊欲辱之拒罵甚
厲賊磔之

楊伯憲妻周氏宜春人年十九歸楊纔六年伯憲以同
知蔚州卒於官周護喪歸葬遺腹一子撫教成立養
姑二十餘年年八十三卒正統初旌表其門

明一統

志

易相妻張氏宜春人年二十七無子守節孀居四十餘年

鄧氏安福僉憲鄧秀女適分宜歐陽鳳夫歿無子守節自矢弘治間旌表

劉顥妻蕭氏宜春縣民蕭盛女年二十五顥卒矢志守節撫二孤成立正德間旌表

劉壁妻宋氏分宜人年二十四壁亡撫遺腹子守節孀居三十餘年

鄧氏萬載人年二十適甘希魯未幾夫卒遺腹一子家

貧自織撫其孤人稱有貞白操

明一統志

周大甫妻張氏萬載人年二十一夫亡無子立從子元龍為嗣守節以終嘉靖間旌表

彭秋妻歐陽氏宜春人年二十六夫亡守節四十年被旌

陳壽妻某氏分宜人未成婚壽得癩疾其父託媒辭絕女泣不從竟歸壽壽以惡疾不敢近女事之三年不

懈壽念已之疾不可瘳徒以負其婦乃私市砒欲自盡婦知之竊飲其半羹與俱殞壽服之大吐而疾愈婦亦嘔出不死夫婦偕老生二子家道日隆人以為貞烈之報

豫章書

郭靄妻彭氏宜春人年二十六靄亡撫二孤守節歷五十餘年太僕寺丞孫進以其事聞詔旌之

易恬妻歐陽氏宜春人年二十八恬亡撫姑守節遭夫姑兩喪苦心殯葬萬歷五年旌表

李慶鍾妻周氏分宜人年二十餘夫亡無子守節旌表
朱鍊妻蘇氏宜春人年二十餘夫亡無子鍊兄弟欲強
之他適蘇誓死不從有部郎聞欲娶之蘇嘆曰吾無
庸生奚庸富貴孀居五十年至七十五而卒

袁應霍妻趙氏應槐妻黃氏分宜人趙年二十黃年二
十一夫亡俱無子守節歷六十餘年萬歷間旌表

鍾伯良妻袁氏萬載人年十八歸鍾僅逾年伯良卒撫
遺腹子美守節孝事舅姑後美舉明經有司以聞建

坊旌表

周曉妻曾氏分宜人年二十四曉亡撫遺孤守節歷七十餘年萬歷十三年旌表

侍氏江南人為宜春舉人楊以正繼妻年二十二而寡守節壽七十八屢膺旌表

黃夢龍妻趙氏分宜人夢龍早卒趙甘貧守節訓子希憲成進士歷官少司空趙享年八十同時黃夢麟妻潘氏夢豹妻鍾氏俱早寡守志三節同堂希憲疏請

於朝詔旌表

張染繼妻雙氏貴州雙堅女也年十八染赴知江州任娶焉生子以宗染致政歸尋卒有富民謀奪其志雙引刀刺四字於臂曰誓以死守訓以宗舉鄉試詔旌門

譚瑩妻涂氏萬載人年二十五夫歿無子守節壽六十有六

龍應時妻袁氏萬載人年十七歸龍氏應時亡截髮斷

指存其二孤竝為邑諸生五十六完其節

西溪集

彭信古妻葉氏萬載人年二十三守節撫孤又楊嘉賓妻韓氏年二十三而寡孀居事姑撫二子菁藁有成立年八十而終

辛子美妻甘氏萬載人年十六夫亡守節歷四十年

周德昌母汪氏萬載人年二十五孀居訓子壽躋九十又鄧樞妻丁氏郭弘敷妻辛氏楊嘉寶妻彭氏俱夫亡守節壽至八十終

王本遂妻陳氏名成貞萍鄉人年二十七本遂歿守節撫孤壽八十

歐陽餘慶妻聞氏萬載人夫亡守節事舅姑生養死葬盡其孝敬撫子成立天啟三年建坊旌表又辛應宸妻宋氏吳嘉佐妻潘氏俱以節壽旌門

李永芳妻彭氏萬載人年二十夫亡誓死守節立從子邦相為嗣年六十而終

袁士賓妻李氏分宜人夫亡上事舅姑下撫孤子孀居

五十餘年壽九十

鮑紹文妻周氏萬載人年十九紹文沒撫遺腹子守節
年九十有司請旌表又歐陽體信妻周氏夫歿守節
年七十五而終張鉉妻鍾氏少寡事姑撫子崇禎八
年請旌

鄒氏宜春人年十四歸袁繼弘十六舉子繼弘以應試
弗第感情成疾死鄒孝事舅姑撫訓孤子崇禎間巡
按周燦具題旌表

甘棠茂妻王氏萍鄉人崇禎間楚賊潰萍夫婦被執王
紿賊釋其夫乃投江死

周志立妻易氏宜春人年十九守節孝事舅姑撫孤成
立崇禎戊寅題旌劉一菁妻甘氏年十九而寡無子
守節歷四十餘年左兵掠郡甘被殺又同邑王道明
妻易氏為左兵所掠牽其手易憤罵曰吾手豈可污
奪刀自斷之復曰何不速殺我遂遇害又彭汝明妻
張氏汝聽妻湯氏汝楫妻張氏俱不從賊被殺旌表

李京妻劉氏彭克成妻袁氏俱宜春人為左兵所掠罵賊死

王道成妻柳氏萬載人年二十夫亡守節崇禎癸未山賊竊發其黨相戒曰毋入王節婦廬壽七十而終潘鑾妻翟氏宜春人崇禎癸未左兵肆掠翟年甫三十挈幼子避山巖兵圍之不屈自刎死

劉和積妻袁氏宜春人年二十二守節撫子芳聲僅二歲癸未遭兵不辱而死媳楊氏年二十四芳聲歿撫

遺腹子應璧人稱一門貞節

劉先四妻易氏宜春人癸未被兵執之不從投清瀝江死又梁峻植妻聞氏遭兵亂執之不屈死

張相懷妻潘氏宜春人年未二十守節孝事舅姑紡績教子歷三十年左兵亂避集雲鄉寇圍之不能脫遂自刎死

國朝

范撰妻余氏宜春人年二十撫孤守節旌表

安志

鄧震妻湯氏萍鄉人冰操自勵康熙五十三年旌表

何之鰲妻李氏萍鄉人壽百歲康熙五十五年建坊旌表額曰節壽之門

楊宗孟妻劉氏宜春人年二十守節歷三十八載雍正六年旌表

陳旦明妻吳氏宜春人家貧守節紡績養姑同邑周儋妻劉氏撫孤守節並歷四五十年俱雍正七年旌表陳昌言妻劉氏宜春人善事翁姑康熙甲寅九月棚冠

猖獗携媳潘氏潛匿黃岡之龍坡嶺五日不火賊至
不能起姑媳揣必受污拾石亂擊之俱被殺

臨江府

唐

魯氏不知為何許人相傳清江未建郡縣時有魯姓者
居風義巷一日寇至人皆奔竄魯抱長子而反提其
幼子行不能前寇怪問故魯曰幼子妾所生長子前
室所生夫亡時命妾善視之寇感嘆稱為義婦厚遺

而去因榜其地曰風義

按魯氏興地紀勝作曾氏

宋

劉式妻陳氏新淦人自幼賢慧為父部所鍾愛式清江人游學過其邑部見妻之式為郎中卒或勸陳罄所藏置產為悠久計陳嘆曰先夫秉行清潔藏書數千卷以遺後是墨莊也安事隴畝諸子習學一有怠者則為不食由是諸子能植立海陵胡瑗為叙其事長

子蚤卒四子繼登第皆為郎官孫二十有五人縉紳
稱為郎官家云

豫章書

歐陽希文妻廖氏新喻人紹興三年春盜起建昌號白
羶笠過臨江希文與妻共挾母傳走山中為賊所追
廖以身蔽姑使希文負之逃賊執廖廖正色叱之賊
知不可屈揮刃斷其耳與臂猶謂賊曰爾輩叛逆至
此我即死爾亦即屠戮語絕而仆鄉人義而葬之時
年二十九淳熙間郡守以聞勅封護其墓

宋史

歐陽昌邦妻嚴氏新喻人素嫻于禮處姊姒最為和順
其姒汪氏先卒未葬而嚴氏繼得疾臨終謂其夫曰
我與姒睦死而得合葬無恨族姪疑且難之昌邦曰
是舉也吾將以風天下妯娌之不和者自我作古可
也遂合葬於擢秀鄉之南赤石岡扁曰妯娌阡

豫章

書

鄒迪母楊氏新淦人性喜篇籍略知大指蚤失父事母
以孝既嫁生迪教之不以恩克義迪甫九歲以文顯

有司稱神童呂伯恭志楊墓曰賢淑婉陶母

張氏女新淦人年十六母抱疾兩月醫藥弗愈一日望北焚香祝天以鐵器開右肋取肝如指大以食母母疾頓愈女亦無恙人以為孝感云

鄒氏女新淦人母聶氏嬰奇疾且殆女年十四泣入卧内以利刀割股肉作羹以進家人不知女亦不言母啜羹愈女乃以帛裹瘡越數日私啟視之家人窺見驚報其母母泣問乃以實對

豫章書

董氏女新淦董好古女也年十四刲股救父疾

同上

元

談采妻廖氏名淑貞新喻人年二十七而寡善事舅姑
教其長子逢辰為來安路學正次子逢源為鰲溪書
院山長年六十一而終天歷中詔旌門虞集為銘其
墓

陳氏筠陽人年十七歸臨江楊士寧為保定千戶戍封
州以卒母趙氏瞽不能視陳時二十一誓不他適養

其姑八十餘以天年終喪葬無違禮部使者以聞詔旌其門復其家虞集為作貞節堂記

母邱氏四川人其父宋末時為新喻丞以氏適邑人蕭璩年二十三而璩亡氏矢志不二子適躬自訓之至於成立為嘉興路學正郡以其事聞詔旌其門復其家

劉氏名懿文新淦人及笄父許婚趙國祥子未嫁夫卒父將他適曰曩許趙氏義不可再竟投井死鄉人因

名其里曰懿丈鄉

吳輓妻黎氏新喻人為賊所執義不受辱投井死

明

張均海妻袁氏新喻人均海以賢能膺薦試官浙右以
母梁氏年踰八十不得省視遣人歸袁氏于家而梁
嬰風疾伏枕月餘袁刲股以食梁疾隨愈石門梁寅
為文美之

皮氏名能貞清江皮恒鼎女許新喻庠生符敬及笄敬

卒遂不食臥泣數日誓不再適父母欲奪其志乃密遺敬父母以衾鞋曰妾受符聘雖未歸其身為符妾也恐早晚不諱無以自明是夕自縊而死

豫章書

張元璽妻袁氏元芳妻龍氏元鳳妻邊氏新淦人袁年十八歸元璽越三歲而寡家貧且無所出父母欲奪其志袁匍匐持芻糞堂下曰芻食獸類也茲得母以獸畜妾乎自是衆不復言侍養舅姑以終龍氏邊氏俱早寡聞間言輒叱曰獨不愧袁氏乎妯娌三人始

終相持勵節不變

范氏清江人桴之孫女博通經史洪武初名為女史授孺人為宮中姆師一日高后問前代何后最賢家法何代最正對曰唯趙宋諸后最賢家法最正命錄進更誦聽之詔賜歸老于家

沈氏上高人適新喻章伯高年二十五而夫亡或諷其改適沈曰婦人足不踐二庭此足一移三綱即淪吾為章氏婦知有章氏而已洪武間旌表

黃體堅妻陳氏新淦人幼納黃氏聘後體堅謫吏于金陵貽書娶陳父母欲易他女以往陳曰吾命也遂遣歸後體堅以星誤棄市陳累訴不得白徒步收其屍斂而瘞之乃自經于柩側學士曾榮贊曰生以義歸死以節殉

明書

熊恒順妻李氏清江人歸熊三年夫卒李年十八無子父母數令改嫁李以死自誓乃鞠從孫瞻繡為嗣紡績自給年八十餘而卒

阮尚德妻張氏新喻人年十九而寡無子或勸其他適
張曰吾夫無子吾夫之兄弟有子苟可以繼嗣吾無
他求事聞詔旌其門

廖益麾妻蔡氏新喻人夫亡艱于自給或勸其改適蔡
曰妾聞餓死事極小失節事極大不聽有司建坊表
之

張和正妻胡氏新喻人夫亡遂不御膏沐以未亡人自
處事聞建坊旌表

邊仲亨妻王氏仲亨峽江人父歿于京扶柩歸卒于道
遺孤能脩七歲王撫之守節學士解縉銘其墓

彭元鼎妻丁氏新喻人年二十一夫歿所親欲奪其志
丁曰夫臨終託吾養其母吾今若去母孰與養天順
間詔旌之

周達禮妻王氏新喻人年二十而寡有強其他適者王
曰妾聞禮一與之齊終身不改事聞詔旌表

蕭惟學妻袁氏峽江人姑被虎噬袁奔救擊虎竟負姑

歸虎躡其後遂噬袁而死天順間旌表

蕭嘉迪妻廖氏嘉聞妻羅氏新淦人廖年二十三羅年二十一而寡廖與羅同事舅姑清貞一心年皆八十餘而卒成化間旌表翰林劉翔督學彭綱有記

黃時訓妻嚴氏清江嚴孟端女年二十七而寡清修苦節終始弗渝

鄒濟泰妻簡氏名祥貞新喻簡啟女年二十一而寡父母欲改嫁簡誓死不從服闋復私納采強之簡聞持

刃哭于濟泰靈右斷二指誓不再適父母患之乃止

成化間旌表

明書

郭佩璋妻陳氏新淦人年十九佩璋歿陳撫孤守節弘治間旌門

李厚載妻彭氏新淦人年十七歸李二十而寡父母欲奪其志彭誓曰從一而終婦人之義遂以鍼刺毀一目紡績以教遺孤弘治間詔旌表

豫章書

熊斐妻彭氏清江人正德辛未華林賊入城彭被執義

不辱死之督學李夢陽聞于朝命立石旌表後復旌
門主事教英為之傳知府孫偉誌其墓

劉清澈妻邵氏清渭妻熊氏清江人邵年二十而寡撫
孤守節正德間華林賊入城邵走匿孔家塘賊搜之
登岸邵匍伏于水堅不行賊怒殺之清渭方寢疾家
人奔避熊守之不去賊至擁之行熊抱幼子偽隨賊
行至李隆德塘置子水涯自投於水賊追刃之鄰人
曾魁拾其子歸撫之

鄧介妻易氏清江人正德乙亥盜入介室易盡脫簪珥
祈免賊不舍欲辱之易紿與偕行賊不備至江赴水
死明書

陳氏杜氏陳清江陳廷瓚女杜則廷瓚之子德純妻也
陳甫及笄與嫂杜皆有容色華林賊至奔避李家塘
賊拽入鄰居欲辱之皆堅執不從罵不絕口賊并刃
之投於水豫章書

蕭朝錦妻楊氏清江人年十九守節撫孤壽八十孫弘

緒登鄉薦

劉淮妻翁氏清江人華林賊至淮病不能興翁侍疾不去賊掠之翁仆地不行遂遇害

唐戊妻陳氏新淦人正德壬申邑被寇陳扶姑出避賊追及欲犯之陳厲聲罵賊抱二子女投水死小姑及女奴二相繼溺死

周蕙佐妻孫氏新淦人年二十二守節撫孤歷六十餘年又袁達璋妻盧氏年十九而寡守節歷六十二年

朱三錫妻劉氏峽江人年二十四撫孤守節歷五十年
又蕭廷寵妻李氏年十七守節歷四十年

朱氏新淦人將歸盧脩已而脩已病卒朱臨哭盡哀持
服事姑三十年以貞節終

朱德立妻曾氏新淦人年二十一夫亡撫孤守節壽至
八十

廖伯爵妻楊氏峽江人年二十一而寡父母將為改適
楊憤泣自縊不得死復斷左手指以明志苦節歷四

十年

陳氏女峽江陳富三女也年十九被流賊劫執迫上馬
不從投水死賊怒斷其首

袁量超妻劉氏峽江人正德間盜起執劉欲辱之劉厲
聲罵賊賊怒刃之而死

裴氏峽江裴洪昭女許聘新淦習宗漢及笄宗漢死裴
遂斷髮誓志屏居一室苦節終身

黃寬妻熊氏清江人寬為慶元儒學訓導卒熊年二十

五撫孤蘭纔七月人或諷其更適熊曰夫忝風教官
吾豈甘為狗彘耶守節五十餘年而終

饒思明妻孫氏新淦人思明病將死謂孫年少無子盍
他適孫痛哭即自縊於室越七日而思明卒事聞旌
表

龔明妻伍氏清江人年二十五夫歿撫孤守節奉舅姑
生養死葬無違禮歷四十餘年而卒

章憲樂妻敖氏清江人年二十九夫亡撫遺腹子錦成

立為崖州知州事聞詔旌其門

傅玉聲妻趙氏趙宋宗室女也適新喻傅玉聲克內助善女工玉聲代兄玉良謫役死於通州趙損容飾甘貧守節家有孤燕不易處者數十年鄉里皆奇之

盧秩妻嚴氏新淦人秩官御史巡按直隸有所推問其人賁重金偽為秩書送秩家嚴得書覺偽執送法司坐以律以是秩名位益顯侍郎王偉為賢婦郤金傳聶元妻吳氏祥妻杜氏清江人元卒於商吳年二十六

矢志不二撫遺孤壁有成事姑孝謹祥歿杜年二十
九貞白自勵事聞詔旌曰雙節

宋儒淵妻蕭氏儒淵妻龍氏峽江人蕭年二十九淵卒
龍年二十七淵歿雙影相弔孝養翁姑人號其里曰
雙節太史羅洪先為賦雙鵠歌悲之

萬冕妻桂氏新喻人年二十二冕卒無子守節事聞旌
表

吳氏峽江人適新喻庠生鄒興年十九夫亡撫遺孤瑛

矢志不二孝事舅姑後舅姑歿養夫之幼弟尤恩壽七十而終

施廷魁妻黃氏新喻人年二十七撫孤守節壽至七十嘉靖間旌表

喻新陽妻孫氏新喻人年二十五夫亡守節上事孀姑下教遺孤壽八十一事聞旌表

劉人紀妻楊氏峽江人人紀初出商訛傳溺死衆議更適楊執不從踰年果還後五載復為商死楊年二十

三守節撫孤麟教之成學壽六十被旌

曾景昭妻鄧氏新淦人嘉靖間被盜欲辱之鄧罵不屈
盜殺之事聞旌表泰和歐陽德銘其墓

李祐七妻周氏新喻人祐七溺死周年二十三奔哭江
濱慟而欲絕一夕沐浴生殮女閨秀知之牽抱提哭
不忍離夜半並投鄰池死御史鄭本立手書貞孝二
字建坊立祠

王貴蘭妻杜氏清江人貴蘭赴公車卒於京杜年二十

一聞之痛哭終日不食欲自盡防之不得死或諷以他志杜泣曰吾夫行以姑付妾妾忘背他日死不見夫耶立夫兄幼子為嗣撫之守節歷五十年

熊鵬妻龔氏清江人嘉靖間賊寇肆掠龔氏抱稚子被執罵賊不屈母子被殺

楊中達母黃氏妻鍾氏清江人黃早寡撫中達成立壽九十中達以商楚卒鍾年二十六聞訃哀號欲絕設木主於室朝夕哭奠撫孤天衢以終知府馬文學題

其堂曰貞慈

黃一和妻葉氏清江人年二十二夫亡守節養姑撫孤年七十卒嘉靖間旌表

黃睿妻鄭氏清江人年二十一睿歿守節歷五十年又雷冲體妻劉氏年二十七守節歷五十七年

吳皆蓋妻魯氏新淦人聰慧能詩蓋疾魯年二十一蓋作詩囑之有蛾眉不許他人畫鸞鏡休同舊日粧之句蓋死魯囊詩佩之撫女守節擇婿得朱璘後魁隤

書其子孟震官都御史兩臺上其事奉勅旌表

廖輓妻陳氏新喻人輓登鄉試早卒陳年二十四守節
歷四十年有司屢給粟帛

伍雲岳妻劉氏新喻人夫亡守節撫孤婚冠甫畢又卒
劉與其媳撫孤孫底于成立壽七十而卒

周儀禮妻蕭氏字善娣新喻人年十四適周至二十三
而寡矢志撫孤學士羅洪先銘其墓

萬可貞妻李氏名白秀新喻人年二十六夫亡守節教

子壽七十九

羅某妻陳氏清江人嘉靖辛酉粵寇肆掠賊執之不從
遂遇害方伯熊達表其閭曰孤村貞烈

黃某妻廖氏清江人為流寇所執罵賊而死

陳氏女新淦人年十九流寇焚掠城邑陳被執不從投
水死

盧大化妻易氏新淦人年二十大化卒于京邸歸櫬卜
葬易告其姑懇治雙槨示無他志無子立姪輯瑞為

嗣年七十一而終又盧采妻曾氏名緣潔歸盧三年采卒曾誓死守節壽七十四

王有爵妻黎氏名蘭蕙新淦人遇寇被執不從投福塘水死

饒天惠妻王氏新淦人天惠登賢書早卒王守節撫孤壽至九十萬歷間御史趙士登聞於朝旌表

周諤妻張氏清江人諤以天啟辛酉中副榜遂抑鬱而歿張守節撫孤崇禎間旌表

易天賜妻鄭氏新淦人年十七守節撫孤壽七十八旌

門

劉顧言妻朱氏清江人適新喻劉氏未幾而顧言卒朱
年十七守節撫孤壽六十九又蘇廷榮妻傅氏新喻
人年二十夫亡守節撫孤侍養舅姑壽七十

蕭國用妻胡氏峽江人年二十五夫亡守節撫孤壽七
十八

李雙桂妻彭氏新喻人年十四歸鄧州李氏寇至彭被

執不從賊殺之

彭彬妻王氏新喻人早寡守節奉詔旌表王鐸有記

金祿元妻李氏清江人年二十夫亡守節撫孤歷四十年

黃仁壽妻郭氏新淦人仁壽病革子甫四月謂郭曰母老孤藐皆若責也因私破一鏡生死各藏其半居恒以半鏡自隨御史王萬象上其事崇禎間旌表

陳廷燝妻鄧氏新淦人年二十六夫亡守節以家貧尚

未及葬會鄰火鄧痛哭就棺誓與俱焚火頓熄壽至九十孫國釗崇禎壬午舉人

謝禹鼎妻滕氏建德人年二十歸新淦謝氏禹鼎死滕

撫二子階式皆登進士中丞徐問為之傳

伍氏女新喻人年十五未字左兵經新喻被掠渡江投水死

陳光奎妻何氏字蘭清江人為左兵所掠將犯之何不從以石破額血覆面兵刃之仆地一夕蘇襁褓中兒

尚在匍匐抵家家人驚泣何以兒授姑曰此三世單傳之子姑善視之婦從此逝矣翁姑解之婦曰吾親受兇人詈叱義當死不死誰知吾心者竟自縊里人祠之

聶士偉妻吳氏名玉貞清江人早寡撫二子一女守節崇禎癸未兵亂吳倉卒抱子女匿複壁中兵搜獲以刃劫使出不從隨舉火焚之吳同子女俱死時年二十九

鄧祿壽妻張氏楊長卿妻熊氏俱清江人明季兵亂被執張蒙刃熊抱子投水死

胡文燦妻楊氏峽江人崇禎癸未獻賊兵至見執罵賊而死

胡若均妻曾氏峽江人崇禎癸未冬寇兵至與若均同被執將殺均曾曰幸無殺吾夫但殺妾死無憾也乃覆均而受刃死賊義之為釋均邑令榜其門曰節烈
廖伯鐸妻吳氏新淦人崇禎間流寇肆掠執吳欲辱之

吳罵曰寧死無辱竟斃於刃

國朝

張昇妻劉氏新淦人年二十四守節撫孤事聞坊旌安
志

聶士璜妻張氏新淦人貢生張壽台女年二十四士璜
卒無子守節歷四十年康熙三十八年巡撫馬如龍
具題建坊旌表

聶士琮妻孫氏新淦人年二十八琮歿事舅姑撫二子

守節四十二年康熙四十一年巡撫張志棟題旌

龔士瑛妻彭氏新喻人年二十七夫亡守節孝事舅姑
訓育遺孤歷三十三年康熙五十三年巡撫佟國勳
具題旌表

劉正妻羅氏峽江人年二十五而寡奉姑撫孤守節至
七十餘雍正五年旌表

高焯妻蕭氏清江人年二十三夫亡撫遺孤以事舅姑
矢節四十三年雍正九年旌表


范敦化妻簡氏清江人年二十九夫亡撫遺腹孤孝事孀姑矢節四十四年雍正九年旌表

黃奇妻易氏新喻人年十九夫亡撫孤事舅姑苦節三十餘年雍正九年旌表

楊泗清妻彭氏名引祥清江人順治戊子金聲桓叛兵至驅彭行彭罵不絕聲至橋上奮身投水其父母哀痛酌酒于橋而祝之俄屍躍出容色如生觀者為之流涕

安志

吳氏貞女峽江吳壁女也丙戌夏壁遇賊見害吳痛哭
欲絕賊驅之行吳厲聲曰吾恨不能殺爾乃從汝耶
賊怒殺之同上



江西通志卷九十八

欽定四庫全書

史部

江西通志卷九十九

詳校官監察御史臣范衷

檢討臣德生覆勘

總校官知縣臣楊懋珩

校對官編修臣盧遂

謄錄監生臣喬元賦

欽定四庫全書

一西遼志卷九十九

列女

言長府

南史

劉氏女名三秀彭城王義康女也義康賜死安成其子

玄侯劉子為元凶劾所殺惟王秀存焉元凶除王秀

劉氏女名三秀彭城王義康女也義康賜死安成其子

加禮明罰羽山未足敕法烏鳥微心昧死上請乞反

葬舊塋糜骨鄉壤

南史

南唐

段氏婦吳媛浚儀人唐史官兢之後父志野義不仕梁

南游於吳家廬陵媛適段某生子未晬段卒父母以

媛少議嫁之媛刺面自誓乃不敢奪事舅姑極孝謹

教子為善士韓熙載使江南為表其節

唐餘紀傳

宋

歐陽觀妻鄭氏永豐人修之母也年二十九守節教子修以文章忠節名天下鄭以子貴累封越國太夫人後仁宗初進號魏國太夫人壽七十二祔崇公合葬瀧岡

朱雲孫妻劉氏安福人姑病雲孫刲股以進而愈姑復病劉亦刲股以進又愈尚書謝諤為朱孝婦詩

明一

統志

彭雲翼妻劉氏安福人歸彭三年生子應時未晬而夫

亡守節以終楊萬里稱之曰貞節婦也

孫某妻項氏吉水人宣和間夫以逋出走項為里胥所逮至中途欲犯之項引刀自刺而死事間贈孺人旌

其廬

宋史

張節婦吳氏萬安人年二十夫亡守節家貧紡績撫孤蕭楚未婚妻某氏泰和人既許聘於蕭父母厭楚貧改適他姓嫁之日氏知之縊死車中楚義之終身不娶溫氏泰和人曾安強既定其聘後以讀書快閣廣帥過

而奇之欲妻以女安強從之溫聞之自縊而死

段鵠母顏氏字訓姊永新人寡居耿介持家嚴肅人尊

敬之

李某妻梁氏龍泉人紹興三年寇彭友犯邑梁義不受

辱赴水死

宋史

劉生妻歐陽氏安福人紹興中劉生以事出有惡少來
欲侵凌之歐陽氏不受辱而死邑人劉寬作詩弔之

明一統志

李氏字幸娘龍泉人年十八紹定己丑南安寇犯邑被掠以刃加項脅以隨行幸娘大罵為所殺

楊萬里妻羅氏廬陵人性仁恕清儉居常以魯敬姜言行為省括萬里轉運江東子為帥尊重矣每寒月黎明即起詣厨下躬作粥召臧獲徧食之曰天寒甚須使其腹中有火氣乃堪役使耳其子問之曰是賤事夫人老而親之母乃為逆施乎夫人怒曰若言如此其必不遠矣賤物貴我天道所不祐也守吳迎養時

年八十餘於邑圃中種芋躬紡績不懈遷五羊得月俸以奉母母稱疾盡出之曰吾福薄乃得此果致疾宜悉散之平居服飾無華麗生四子三女畢自乳曰飢人之子哺其子吾不忍為也君子曰楊祕閣父子之介也匪獨其性生也成諸婦道母儀者多也

函史

文天祥妻歐陽氏廬陵人從天祥遭流離干戈中絕無愠尤自天祥空坑之敗歐陽氏與佛生等皆為俘虜一路求死不得入都時服道冠敝衣日誦道經比天

祥受刑明日歐陽氏得旨收屍與江南十義士奉柩葬於都城小南門外後歸故里以元大德九年乙巳

二月得痰疾卒

豫章書

孫臬妻文氏天祥妹臬被執家沒入官文氏奉孫氏生母攜子蕭翁約翁及一女赴燕零丁孤苦中而能持禮守義不失其操

張節婦吳氏廬陵人年二十一夫亡事舅姑撫孤而終事聞旌表其門曰孝節

譚烈婦趙氏永新人元破城譚抱嬰兒隨舅姑走縣學

文廟中匿兵至殺其舅姑執婦欲汙之不可臨以刃

趙罵曰吾舅死於汝吾姑又死於汝吾從吾舅姑死

耳豈願生哉遂遇害血漬於文廟兩楹間入甑為婦

與嬰兒狀久而宛然若寫形在地見者神聳髮立凜

如有生氣也或磨以沙石終不滅燬以熾炭狀益顯

如新

函史

元

湯輝妻張氏龍泉人天歷初兵掠剽刃死二女以父母

見殺觸刀死

函史

黃景立妻彭氏永豐人年十八生一子而景立亡彭斷

髮誓曰死不願他適而使藐孤別呼父母至順間奉

詔旌表

蕭均褒妻曾氏泰和人生子善顧方二歲均褒以越境

就傳得疾將死曾年二十二痛哭引刀斷二指滴血

濺酒飲而誓天曰留此二指殉夫衾袖祔同棺槨庶

日後不羞顏於地下耳越七日均褒死如其言納之
鄧心遠妻王氏泰和人至順間心遠教授南海死廣州
王間訃痛哭欲絕其子彬尚幼竟撫之而終

熊以德妻李氏吉水人年二十四夫亡守節教子撫孫
年九十而終

曠維楨妻曾氏廬陵人至正壬辰紅巾盜至教城執曾
氏與子學禮欲妻之不從俟間先刃其子以血題詩
於壁有孤兒未必從他姓一女何從侍二人之句詩

成亦自盡

項惠可妻唐氏龍泉人至正壬辰春紅巾寇亂惠可具舟遠避甫及新林寇奄至麾衆薄舟唐見事急與其夫訣曰我良家子義不受辱所恨惟老母在母曰女能取義我獨不能舍生乎遂相繼赴水寇亦驚異倒戈相援不及

梁圓妻李氏龍泉人年十七圓死守節終身

楊用霖妻蕭氏子婦劉氏泰和人紅巾之亂姑病不能

出蕭與劉皆不忍去城陷皆自投井中鄰婦鄧氏陳氏從而繼之俱死安成劉雲章嘗著蘭陵烈婦傳牽連書之明弘治間知縣楊南金為立四節婦祠

左幼白妻龍氏永新人年十九幼白為江西廣洋庫使從元兵攻廣海卒於軍龍迎柩歸葬削髮誓不他適嘗折榴置靈案瓶中旬日枯卉復生因植之庭翰林承旨歐陽元功為大書榴萱扁其堂楣

按林志作左白安志郡志作左幼白未知孰是

彭九萬妻李氏永新人至正壬辰紅巾至李及子友諒女秀珙俱被執脅以白刃問所求李罵賊而死

危元貞妻李氏永新人年二十元貞卒李哀泣幾毀家人欲逼嫁之李引刀將自殺乃止

劉開妻某氏吳松婦某氏安福人元末紅巾至二氏避於湯村相挽赴水死又鄧隆彰妻王氏被寇掠不屈死

劉節婦龍氏名琇永新人至正間其族父以舉義兵不

克州陷家燬琇甫六歲隨父母轉徙他郡歲甲辰始
歸安福劉氏其明年五月淮寇李明復入安福劉舉
室將竄水西時江水暴漲不果琇度無可往即泣涕
別其姑自誓必死江上寇奄至見琇棄他貨物即赴
之琇遽奔入江中寇追之不及則引槩以鉤舉其髮
琇反手解結乃就溺寇相視驚愕去時年十九劉楚
為之傳

槎翁集

胡氏永豐人受余勝祖聘未嫁而勝祖卒父母欲令改

適胡鬻指誓欲速死父母不敢奪竟遂其志

鍾文妻某氏泰和人元末盜起湘南入江西陷袁吉顓

諸郡執文令之降文大罵賊怒剗其身妻見而號呼

投井紀善周是修目擊其事為作長歌以悼之

豫章

書

陳氏吉水陳英錕女許聘於蕭及笄而蕭死女哀不自

勝數日不食亦死合葬焉

李處泰妻周氏吉水人寇焚掠其家同姑赴火死奉詔

旌表

李泰來妻龔氏吉水人紅巾賊起執龔欲汙之厲罵被殺

錢瑛妻張氏吉水人元末大亂姑被賊執張從伏莽中窺見趨出謂賊曰姑老矣請釋而縛我賊見其年少遂縛之去見姑遠罵賊不休攢刀刺殺之

元史

孫氏安福人家貧值歲飢夫欲嫁之婦不從攜一男一女赴水死邑人劉定史作古詩弔之

劉平妻賀氏安福人年二十撫二孤守節養姑年八十而終

蕭道甫妻羅氏萬安人年二十孀居撫子彬其後孫觀亦早卒其妻守節以終孫女適某氏早寡守節邑令康彥民紀其事云蕭氏一門瑞氣鍾清風三節將誰同

鍾仁卿妻危氏吉水人元末為四川內江學諭蚤歿危守節撫孤至正間壽一百零三歲詔旌表學士曾德

裕銘其墓

明

王用均妻劉氏龍泉人年二十一而寡撫孤守節洪武間奉詔旌表

湯大亨妻陳氏永豐人年二十六而寡撫孤守節受旌楊存海妻曾氏吉水人夫亡守節立姪楊福為嗣洪武間旌表

劉志亨妻蕭氏泰和人少年守節又胡祖與妻嚴氏年

二十七夫亡守志俱於洪武間旌表

陳氏名端生泰和人年二十歸康安仁生子德昭又三年夫亡誓不負所天事舅姑益謹十三年而姑亡喪不愆禮葬不踰期守節凡七十年洪武十六年江西提刑按察司試僉事翁師善行縣廉得其寔以聞十

九年旌門

海桑集

楊鼎元妻李氏吉水人年二十而寡撫孤守節洪武間

旌門

劉啟宗妻羅氏廬陵人年二十八夫亡守節又周京妻
彭氏年二十八守節俱於洪武間旌表

郭希泰妻蕭氏泰和人年二十六夫亡守節又楊起予
妻劉氏早寡守節俱於洪武間旌表

陳內美妻李氏永豐人年十九夫亡守節奉詔旌表

蕭永誠妻羅氏龍泉人年十八夫歿守節以終洪武間
旌表

劉運妻蕭氏永豐人運從父鶚守韶戰死蕭年二十三

守節撫孤女立姪為後洪武間詔旌之

按運字尊元父鶚字楚奇前志書字誤入吉水今

改正

胡氏泰和人年二十歸樂大成未幾大成卒撫孤守節
大學士楊士奇為之銘

劉氏名靈萬安處士劉本直女嫁泰和彭原復生二男
三女訓其長也年二十六而寡幼涉書紀能知古者
女婦賢行誓死不嫁嘗以其父所藏書訓誦遂有成

其處姻族恤隣里馭臧獲各盡其道卒年六十八王直為之傳

李邦振妻周氏吉水人洪武間邦振兄邦武以坐累見逮至京邦振從行兄病卒邦振亦哀毀而死周年二十守節事姑撫子沂浴後沂浴作貞節堂學士周敘為序

曾氏吉水人洪武間夫連累戍邊死其子紹從行曾與媳劉氏撫孤孫守節逮孫死劉即自縊曾亦三日不

食死後紹自邊歸葬母於石屋山之原妻附葬焉

郭氏九節婦俱廬陵人郭願學妻劉氏月娥年二十一撫子永堅守節洪武己酉卒永堅妻金氏主娘年二十夫歿矢志守節會里中寇亂金遇賊不辱赴水死安泰妻劉氏秀英年二十三守節安鼎妻劉氏妙靖早寡無子守節以壽終敬儀妻王氏瓊英年二十六守節壽八十五敬熙妻陳氏慈貞無子守節壽七十二厥禎妻劉氏阿嬌年二十一撫孤守節卒年七十

六厥蘊妻戴氏芹英年二十四撫子守節以壽終郭氏女參娘許適蕭生生歿誓死守節諸父受他姓聘謀奪其志參間自縊死

周岐鳳妻王氏吉水王教諭省之女建文時省死節濟陽明倫堂岐鳳初主即墨簿妻與偕行逆知父志泣曰吾父必不生請於夫遣人往訪凡三往竟得其遺

骨遺文以歸

豫章書

顏有為妻蕭氏廬陵人有為伯瑋之子建文時死父難

於沛縣蕭氏養姑守節二十餘年

同上

陳繼文妻黃氏吉水人既受陳聘陳忽病風癘黃親往視之與之治湯藥踰月而陳卒黃守節及五十年題請旌表

羅揚清妻王氏吉水人年十六夫亡守節夫之兄欲逼其嫁已受人聘王知之即投池死

解禎亮妻胡氏吉水大學士胡廣女初解縉與廣同侍宴太宗曰爾二人生同里同學仕又同官縉有子廣

女可妻之廣頓首曰臣妻方娠未卜男女帝笑曰定
女矣已而果生女遂約婚後縉家徙遼東廣欲離婚
女截耳誓曰薄命之婚皇上主之大人面承之有死
無二及赦還卒歸禎亮

劉氏名順慶永豐人元國史編修劉鶚女適吉水饒伯
振夫亡守節永樂間旌表

羅仲良妻李氏名淑龍泉人永樂丙申仲良卒無子李
守節壽六十九有司請旌

曾鳳韶妻李氏廬陵人北平兵入金川門召鳳韶為吏部侍郎鳳韶刺血書憤詞於襟上自殺李亦自經死陳道修妻羅氏永豐人道修抱父骨投揚子江中死羅年十八誓死守節壽八十二而終宣德間旌門

丁恒信妻羅氏名潔貞永豐人夫亡養姑守節正統間旌表

周時發妻王氏名晚貞安福人年十九而寡撫孤守節旌表

蕭壽遠妻蔣氏名壽松泰和人年二十八夫亡守節被旌

劉永輝妻翁氏泰和人鄰人嘗歸所假稱具者既啓視有金餅二氏謂永輝曰此必某所遺掩而有之不義盍召還之其人始驚謝無何永輝卒子幼力單勤績以給有里母勸之嫁氏泣罵絕弗與通剪髮自誓正統乙巳沙尤盜起攻圍城勢危甚氏謂其子璋曰汝身宗祀所繫萬一城陷宜求自全無以我累明年二

月竟以驚憂成疾卒年四十九後七年璋成進士官

於朝彭教為之傳

瀧江集

楊相妻廖氏泰和人相永樂甲申會元選入翰林及為主事以文章名天下未幾卒官氏年二十二扶櫬歸葬子奕與皆在襁褓相初娶曾氏有女撫育之如所生景泰元年旌門年六十三守節歷四十年貞節之操至老不渝

文端集

劉如璫妻謝氏泰和人年二十二璫卒誓死守節劉錯

題其墓曰苦節

陳氏吉水陳英鉉女許聘蕭載紱子年及笄而夫死陳聞之數日不食亦繼死遂合葬焉天順間詔旌表

鄧珍妻蕭氏吉水人年二十二珍官編脩卒無子蕭貞靜自守勤紡績年八十餘

楊復環妻陳氏泰和人夫亡守節撫孤天順間奉詔旌表

劉縉妻曾氏萬安人年二十四夫亡守節自夫孝事舅

姑天順間旌表

蕭子綱妻郭氏泰和人年二十夫亡守節又曾繼福妻
胡氏名淑廉年二十而寡孝養舅姑守節以終俱於
景泰間旌表

曾思文妻楊氏泰和人年二十四思文卒楊守節撫孤
穉比長為娶康氏生子洧時年二十四穉卒康守節
如其姑景泰間有司請旌表詔下而洧亦卒洧妻任
氏人或勸之嫁曰吾曾家無背夫婦人守節以終人

稱曾氏三節

劉述宗妻周氏萬安人年二十四夫亡撫遺腹子咸淳
守節孀居四十餘年

周文精妻郭氏萬安人適周十年不育遂為夫娶妾羅
氏生子賢挺甫四歲而文精卒未幾羅亦卒郭撫遺
孤守節年八十四而歿大司空朱衡銘其墓太僕羅
良為之傳

劉遂妻孫氏淪妻胡氏澗妻胡氏廬陵人孫名文貞年

十八守節胡名滿貞年二十七撫孤守節胡名寧貞
年二十六撫孤守節成化間有司上其事詔旌劉氏
三節婦之門

羅厚妻曾氏名溥秀永豐副使曾鼎女年二十三厚沒
守節又羅清律妻王氏年二十二夫亡守節俱於成
化間旌表

羅子弘妻郭氏楊崇藝妻蕭氏俱泰和人早寡撫孤守
節成化間奉旌

周伯循妻曾氏吉水人年二十守節成化間旌門

王尹妻蕭氏安福人成化間夫死撫孤女守節偶歸寧
夢夫如平昔速之歸且聞有異圖者次日即馳哭於
墓嘔血數升而死其翁貫作詩以哭之

周禮妻劉氏永新人年二十夫亡守節旌表

江繼文妻劉氏永新人年二十而寡撫孤守節子玉琳
成進士詔旌其間知州柯暹撰貞節碑兩經兵燹碑
獨不燬

劉嘉迪妻朱氏安福人嘉迪亡無子守節事舅孝謹年八十六而卒又歐陽時美妻高氏少寡撫孤守節年六十而終

伍極萬妻戴氏名閭潔安福人年二十一而寡撫孤守節又王美會妻朱氏年二十而寡撫孤守節俱於成化間旌表

曾武妻陳氏廬陵人年二十而寡撫孤守節弘治間旌表

白甫善妻歐陽氏泰和人年二十六夫亡守節旌表

楊玘妻廖氏名仁姜泰和人年二十六而玘卒撫遺腹
子守節被旌

劉攸妻龍氏劉陬妻湯氏永新人龍早寡守節湯年二
十四夫亡守節皆弘治間旌表

劉廣威妻周氏萬安人年二十三夫亡守節又蕭宜寬
妻劉氏年二十而寡撫孤守志俱於弘治間旌表

伍希憲妻劉氏名順貞安福人年二十八希憲卒托劉

以母與孤劉自誓守節養姑教子一如夫命弘治間
旌門

蔣廣妻胡氏廣吉安千戶所舍人早卒胡年二十五守
節弘治間旌表

羅宜元妻朱氏萬安員外朱廷章女年十九夫亡守節
弘治間寇至倉皇同婢奔歸母家渡舟中或牽其手
怒曰身可溺此手不可辱竟舍舟涉水而渡年幾百
歲卒建坊

陳乾妻王氏萬安人弘治間乾亡無子王年二十清操
自勵年六十八而終

劉士鴻妻周氏名性泰和人士鴻以被徵辟卒於京周
年十九生子僅一月誓不再適撫子養姑以壽終明

一統志

羅韞匱妻歐陽氏名壽娘吉水人年二十五夫亡長子
篤溫方三歲次篤良尚在娠越四月而生壽娘撫二
孤守節篤溫娶歐陽氏酉貞生子期年而亡篤良娶

袁氏蘭秀生子五歲而卒妯娌相告曰姑為節婦我屬可改節乎乃協力共守姑年六十而卒酉貞年幾九十卒蘭秀年五十五卒

明書

郭仲稷妻聶氏吉水人年二十生子趙三月仲稷亡父母欲奪其志聶聞之齧指出血而誓之曰寧死無復事他人撫孤以終

蕭子羽妻阮氏安福人生子數月子羽有惡疾而貧甚慮其不能守婦泣誓曰紡績足以治生子羽卒養姑

撫子不易初心年六十三而終又彭文孚妻王氏年
二十五而寡家貧無子守節孝養舅姑始終弗渝
蕭邦道妻羅氏萬安人年二十邦道病篤曰保吾子以
存宗祀邦道卒羅誓不他適撫教遺孤壽九十而終
又王子彰妻郭氏夫亡子幼守節年踰七十

曾友文妻賴氏萬安人年二十而夫亡子敏生方三歲
賴紡績以養舅姑訓敏讀書遊庠人比之陶母云

劉本達妻單氏萬安人年十九本達歿子理生三歲家

徒四壁勤儉教子以終又劉宗壽妻康氏年十八而寡養姑守節始終一心彭文彬妻葉氏年二十一文彬卒家貧子幼舅姑俱老仰事俯畜俱出於紡績以壽終

羅文忠妻劉氏名淑賢廬陵人年二十四文忠卒惟一女父母舅姑憐其年少無嗣勸其改適劉度不得志以女托妯娌素厚者因就寢自縊死

豫章書

陳康妻劉氏名潮泰和人年二十四而寡生子始踰月

守節撫孤長為娶任氏不二年其子復卒生遺腹子
佖時任年方十九誓與姑同志學錄梁栗為作雙節

記

李惕妻劉氏永新人年二十夫亡其兄私受人聘禮將
強之嫁劉自縊死

李輔妻歐陽氏永新人早寡無子誓不他適歸母家依
弟姪以居後其弟姪之婦凡寡居者皆慕其節至十
餘人

羅秉厚妻曾氏泰和人溜陽縣丞忠翔女年二十六秉厚卒一子用元甫彌月矢節教育年七十四卒羅用俊為著慈節傳

劉賦秀妻彭氏廬陵人年二十賦秀卒其姑逼之嫁彭閉門自縊死時年二十一

豫章書

蔣庠妻楊氏庠為吉安千戶所舍人早卒無子楊年二十貞操不渝人稱為真節婦

劉混洋妻王氏安福人年二十七混洋卒王即欲自盡

念姑老子幼忍死以守年八十三而終

甯集略妻吳氏字姑姑永豐人年十八適甯未一年而夫卒吳六日不食決志殉之所親百方解譬始食粥朝暮一溢米服滿母憐其少欲令改適往視之同寢食三年竟不敢出一語歸謂諸婦曰此女鐵石心不可動也

明書

王堯儒妻丁氏堯儒吉水人就婚於河南時丁年十九越三月堯儒以疾卒遺腹生一女未幾父亦卒丁隨

兄奔父與夫二喪歸道經新塗其兄強之偕歸丁氏堅意歸吉水雖家貧無依不計也年七十二而終

王氏名素英吉水人年十九歸庠生周必登弘治七年必登以疾卒王誓與同死不食數日母死歸弔一日語弟曰我死屍還周氏弟方出忽以無疾卒於家弟如其言還屍於周里人莫不慟之

明書

李修妻王氏廬陵人年二十四修卒生子本淵甫二歲王即以事姑撫子自誓年五十而卒

周梯雲妻許氏名鳳潔安福人年十九梯雲卒方有娠
慟哭欲以身殉姑曰存祀與死孰重許訣曰姪男則
生不男則死越四十有六日生男煦遂堅以養舅姑
撫孤子為己任年四十九而卒正德辛巳煦登進士
第

周賢佐妻胡氏名坤秀萬安人正德庚午兵亂胡出走
賊追之急度不能免乃趺坐於地賊驅之起行曰不
能行指輿使乘之曰不能乘賊怒以刀斫之遂伏地

而死

豫章書

朱景學妻羅氏名欽娘泰和人年二十四景學卒遺孤
二誓不改節孝養舅姑撫訓二子有司以其事聞命
下而卒

蕭貴言妻王氏名蓮娘泰和人年二十五貴言卒家甚
貧子女各一人紡績以給朝夕教撫不懈年六十而
卒

蕭時玉妻梁氏名文英泰和人年二十時玉卒卒時睦

目視兒女梁逆知其意齧指示之遂瞑目撫子事姑終身無怨言年七十七卒祭酒羅璟謂其如精金美

玉不負所天云

明一統志

伍顯萬妻歐陽氏安福人年十九夫亡生遺腹子天靜居室中足不踰閭年七十卒

按郡志作歐陽顯萬妻伍氏未知孰是

王良粹妻劉氏名志嬌安福人年二十五良粹以運稅卒於外時二孤俱幼撫之長歸夫喪葬於欽村廬於

墓因家焉卒年九十五學士鄒守益為節壽堂銘以表之

李存紀妻劉氏安福人年二十四夫亡誓死守節撫孤三十餘年壽七十南雄知府劉實表其墓大學士邱濬銘其堂

吳觀凱妻王氏安福人年二十三而寡守節撫孤子節官至祭酒王壽九十二王直為作貞榮堂記

解氏五節婦俱吉水人劉氏副使鼎貫女年二十二夫

亡守節五十六而卒解璇妻李氏年二十八璇卒守
節六十二而卒解璵妻徐氏解珙妻周氏解玉妻曾
氏年皆二十餘而寡自矢守節人為之語曰解氏五
節松貞玉潔

張寅妻康氏安福人既聘而寅遠遊不歸父母欲令改
適氏死誓不二及寅歸完娶康年已三十餘寅登進
士官至太僕寺丞康儉約如未貴時每歸寧猶躬執
爨鄉里美之

鄒會春妻李氏仕魯妻謝氏具式妻鄧氏俱安福人李
名菊娘年二十五守節謝名妙英年二十九守節鄧
名新娘年二十四守節皆登耄壽巡撫王守仁表其
堂曰三節

歐陽嵩妾劉氏名季姐泰和人嵩為郎中病卒劉年二
十五誓隨正室蕭氏守節蕭曰此非易事且汝無嗣
劉曰有宜人在死生以之因相倚為命及蕭病劉侍
湯藥月餘衣不解帶蕭卒劉哀痛殮畢遂自縊柩旁

蕭啟甫妻汪氏廬陵人蕭以轉運入京病卒訃至汪慟欲自盡姑百方慰之汪曰夫行我慙慙之我不可生矣竟潛出投池死時年十九

劉烈女泰和劉清之女許聘張氏子清以張貧議改適女自縊死

張氏女名貞姿萬安張成甫女正德庚午流寇入城貞姿隨衆走稍逼即奔赴直徑之塘自沈而死泰和羅欽順以詩挽之

整菴續稿

孫程妻康氏泰和人程就選京師母沈病劇康禱於天
剖左臂肉和藥以進沈病遂愈

董朝紳妻袁氏吉水人早寡守節以紡績養姑正德辛
未流寇突至婦與姑同被執賊欲辱之婦姑相持哭
聲震地賊遂相戒勿犯釋之歸

歐陽循瑚妻張氏萬安人夫亡守節事翁姑孝聞遺孤
七歲口授書史冢宰歐陽鐸撰貞母文

曾氏泰和人名淑貞許婚任綱及笄綱卒訃聞曾自縊

死遂同穴

曾周易妻羅氏泰和人嘉靖中流寇至周易遇害羅哭罵賊賊怒鎗其腹貫至喉下猶咯咯聞罵聲隆慶間旌表

曠子雲妻袁氏泰和人寇亂被掠投水死時年二十五子雲義之終身不娶又胡孟賞妻劉氏寇至被執罵不絕口賊支裂之

劉蘊球二女球安福人挈家客思州長女適王邦潮次

女未嫁會苗破思州二女相攜赴塏塘水自溺死王
婦乳兒纔二歲勢急裹兒置石崖中賊去女奴得其
子因覓死者於塏塘面如生仍兩手相攜當事褒之
給驛歸櫬還葬鄉里

易氏分宜人歸安福王世昌世昌遘疾奄奄十餘月易
事之衣不解帶世昌死除喪猶縞素姑憐之謂汝猶
處子可終累乎跪泣曰是何言哉父母許我王氏即
終身王氏婦矣自是獨處一樓不窺外戶四十餘年

方世昌疾所吐痰血輒手一布囊盛之卒後用所盛
囊為枕枕之終身

明書

顏簡妻伍氏安福人早寡守節有軍人李敦率衆欲強
娶之伍自經死事聞詔旌其門

王世文妾桂秀安福人世文官副使沒時桂秀年甚少
夫人將遣之自縊死

彭紹三妻周氏安福人嘉靖壬辰為寇所掠周憤罵不
從賊憐其色從容誘之終不可犯乃見殺

彭子繪妻高氏安福人子繪乘馬出鄉人有報讐者以子繪貌似所怨之人誤殺之高年二十四鳴諸有司得理守節歷三十七年鄉里皆嘖嘖稱之

楊載鳴繼妻蕭氏泰和人楊官通政娶蕭逾月卒于官蕭哀毀守節以終後旌表

王卿行妻劉氏安福人年二十夫亡守節於夫墓下斬指以血書石自矢歷四十餘年

左氏安福人許聘湯氏而夫沒父母欲改聘左自縊死

劉堯妻顏氏安福人早寡守節里豪掘煤於其舅之墓成坎顏泣阻不得遂投身坎中死事聞巡撫置豪於法而旌顏氏之孝

劉來咨妻蕭氏廬陵人年二十三撫孤守節壽至八十四羅洪先表其墓

周某妻郭氏萬安人年二十四夫亡撫二遺孤家貧守節又劉應壽妻彭氏年十九撫孤守節詔給粟帛後復旌門

周尚信妻陳氏萬安人夫亡守節撫孤存敏及娶未久卒其孫曰藻曰鐸及曾孫若元皆位至方伯陳年八十而終翰林徐珵銘其墓

蕭曰洪妻譚氏萬安人夫亡撫二子才匡才冠守節嘉靖乙未奉詔旌表

許崇妻朱氏萬安人嘉靖時崇卒韶州任所朱與次室賴氏皆以少年守節姑彭氏亦早寡冰操自矢郡守劉憲龍旌以一門三節

胡智郎妻鄒氏名玉英龍泉人年十九而智郎卒撫子
廷玉及長娶袁氏生子魁甫三歲廷玉又卒袁年二
十七姑媳二人交勵冰操鄒年七十二袁九十三嘉
靖中旌表

陳洪妻劉氏吉水人年十九歸洪居三月洪出商以病
瘴歸而卒生子甫數月守節卒年七十羅洪先為之
傳

李秀妻周氏吉水人年二十六夫亡撫遺孤家貧事姑

盡孝後子廷諫孫邦華同舉鄉榜成忠節名臣累贈
一品夫人

王倫妻彭氏婦劉氏孫婦李氏安福人倫及子宜觀孫
達俱早歿彭年二十六劉年二十五李年二十三
守節彭壽至八十劉九十二李六十一世稱為三節
萬廷琮妻劉氏安福人年十八廷琮卒子甫一晬自誓
守節未幾又卒立姪惟昂為後翁任崖州姑強之隨
行翁卒於官劉綜理家務扶襯而歸時以為才節兼

全有司上其事建坊旌表

王和妾郭氏安福人年二十九夫亡撫孤學吾守節事嫡劉甚謹卒年六十四羅洪先誌其墓

劉遇詔妻楊氏安福人詔歿楊守貞不渝徵君劉瀘瀟以詩表之又王憫妻劉氏憫歿子女良甫四月劉撫之守節七十餘侍御劉陽為之傳

郭賢妻袁氏安福人年二十四而寡撫孤守節子又早卒訓育三孫至於成立壽八十五同邑謝待價妻朱

氏年二十夫亡守節壽七十俱奉詔旌表

張最春妻蕭氏永豐人年十九夫亡無子守節嘉靖乙卯邑令吳鳳瑞申請旌表

曾謨妻郭氏謨廬陵人登天順壬午鄉榜以癸未試院失火歸而疾篤謂郭曰我志未就子孫必有繼其業者可以我書授之言畢而卒郭年二十五苦志守節事姑教子年百有二歲嘉靖十一年孫孔化既貴建坊旌表額曰節壽

王育仁祖母梁氏廬陵人年二十而寡撫二孤國成國
游壽八十三孫育仁登進士

曾世臣妻劉氏廬陵人早寡撫孤女守節有司上其事
建坊表曰貞節

周珪妻劉氏名隱珠廬陵尚書劉宣女年二十八珪卒
生子允方數月撫之守節年六十有司請旌表

劉博妻周氏郭某妻蕭氏俱廬陵人少寡守節於嘉靖
間旌表

曾世祚妻朱氏世祚廬陵人年二十一疾篤謂朱曰守
吾志朱泣曰妾無所出君死亦死耳守何為夫卒治
葬令營二穴遂三日不食而死時年二十有二

歐陽素顯妻王氏廬陵人夫亡守節嘉靖間建坊旌表
彭德妻王氏廬陵人年二十四德卒撫遺腹子寅守節
後孫時濟仕至御史大夫建坊旌表

謝應棟妻龍氏名音娘永寧人年二十夫亡守節嘉靖
壬寅賊刳其家龍被執痛罵不從以刃脅之遂挺身

曰寧殺我不受汝辱賊異而舍之

張樞妻楊氏名五娘永寧人年二十五夫患病甚篤醫謂勢不可起其姑具以告且曰汝兼有刑尅楊曰夫亡我何用生願以身代乃投豈與幼兒永訣曰汝當學善遂自經不旬日而夫病愈

顏禮妻劉氏永新人夫亡年二十無嗣守志又劉呷妻李氏年少守節皆奉詔旌表

賀輔妻李氏永新人年二十一夫亡守節又千戶高寰

妻朱氏年二十六自誓守節皆奉詔旌門

楊霄妻陳氏泰和人年二十霄卒生子甫二旬誓死守節喪滿外戚諷之嫁陳持斧曰須斧此兒乃可改其人驚走無復敢言者卒年六十二御史歐陽雲扁其堂曰慈節

周欽毫妻蕭氏泰和人早寡撫孤養姑卒年八十有二建坊

高氏吉水人許配梁離明未幾離明卒女年十五諸大

家爭聘之其父已諾女知之遂自縊死

歐陽氏貞女名雪玉安福人未字守貞年六十餘卒康
若生有詩傳其事

李尚友妻羅氏廬陵人年二十一無子守節孀居四十
年

歐陽昭妻張氏廬陵人年十九守節建坊旌表

黃良寵妻羅氏吉水人年十八而寡矢志守節壽七十
旌表

紀氏臨清人為安福劉秉監妾秉監官副使忤閹謫潮州遷守臨安卒紀撫柩哭曰妾不難一死所以不死者有娠耳越三月子苑生紀年二十二抱苑告廟守節以終

鄒美妻周氏安福人美中鄉試早卒周年二十九守節教子長德泳成進士次德洙以明經授知縣季德澡貢監泳為御史時建言罷歸拜庭下周慰之曰汝不愧文莊家風吾何憾萬歷甲午詔旌其門曰貞壽

劉永妻朱氏安福人永以貢令增城卒朱年二十八守節撫孤歷四十年

蔡夢彥妻周氏安福人姑疾刲股以進姑服之而愈劉元卿為之傳又王三重妻張氏事姑孝姑病刲股療之遂愈事聞旌曰純孝之門

顏旦妻劉氏安福人年二十三夫亡守節壽八十五曾孫欲章中萬歷進士疏聞詔旌表

顏有容妻王氏安福人年十九夫亡守節撫孤歷四十

餘年

郭天寵妻康氏龍泉人天寵初為弟子員後棄儒以策干虞撫張昫題授將軍總兵平寇他日訛傳天寵死康哀慟投河巡按張銓以事聞奉旨旌問

王仁佳妻郭氏龍泉人年十九仁佳卒撫孤守節受旌李奇藝妻張氏龍泉人年二十二而寡立嗣守節歷三十餘年又彭惟岑妻謝氏早寡守節撫孤歷二十餘年後以歸寧遇寇逼投河死

賀符妻王氏永新人年十八夫亡守節撫孤及見孫大
亨登萬歷庚子鄉舉年八十一屢膺旌表

曾蕭妻蕭氏廬陵人年二十蕭沒撫孤守節子超娶劉
氏年二十三而卒孫宏娶歐陽氏年二十五而卒劉
與歐陽俱以節終蕭以萬歷壬寅奉詔旌表

賀之燾妻龍氏永新人年二十一而寡撫孤守節姑憐
其年少欲令改適龍遂赴江死

彭瀾妻胡氏廬陵人年二十一守節萬歷間旌表又劉

娘妻曾氏年二十五娘沒守節教子壽六十四被旌
徐惟元妻廖氏永豐人年二十一而寡守節歷四十餘
年又丁森郁妻張氏年二十四夫亡守節撫孤孤天
又撫孫以老屢膺旌表

彭球紳妻劉氏安福人年二十二球紳遊滇囑以老母
幼子未幾球紳卒劉事姑撫子守節以終壽八十旌
表

王良相妻歐陽氏安福人年十八夫死姑老且病子翰

生甫七月歐誓死守節事姑盡孝姑臨歿呼之曰孝婦孝婦萬厯間旌表

蕭恂妻歐陽氏安福人恂卒撫孤世瓘姑病湯藥必親年五十祭酒鄒守益著節壽堂銘表之其姪世琢妻劉氏年二十五夫死無子亦以節終

朱國俊妻劉氏安福人夫亡誓必身殉翁開諭之乃止以紡績養舅姑撫子鄒元標為詩頌之

鄒承明妻顏氏亮明妻周氏安福人顏年十九承明以

勸賑冒暑卒守節十四年一日邁疾子世鑾世蘭招
醫診視顏堅拒之世蘭刲股以進延一月而卒周年
二十三夫死守節事姑以孝聞

劉氏安福人年十九歸彭建夫不數月而寡母以無子
勸其改適劉曰吾不獲殉夫於地下者以有母也豈
有他志哉遂誓死守節萬厯十九年詔建貞節坊

王有初妻涂氏永豐人年十九夫亡守節以紡績養姑
又陳鎬妻袁氏年十五鎬病篤囑曰我母在堂奈何

袁泣曰養姑在媳鎬亡袁竟以養姑終皆於萬厯間旌表

張朝宸妻徐氏永豐人年二十六夫亡無子立姪為後鄒守益為書勵節卷以美之

黃幼光妻董氏永豐人幼光以儒生赴試抱病而卒董年二十一自誓守節事詳羅近溪風雨亭記

杜宗舜妻蕭氏廬陵人年二十七宗舜沒守節撫孤萬厯間旌表以壽終

彭儲粹妻劉氏廬陵人年二十儲粹沒撫孤守節歷四十年太僕曾阜為之傳

彭以見妻劉氏龍泉人年二十三以見卒撫二子之麟之鯤俱力學嘗從鄒忠介元標遊有司具題旌表

何一慤妻曾氏泰和曾翬之孫女也夫亡事姑守節歷二十年萬厯間旌表

黃麟徵妻劉氏吉水劉安期之女年十五歸黃未久麟徵卒誓死守節治夫喪葬及翁之喪葬畢即自治一

穴於夫墓傍御史李謙庵為之銘

李邦華妻周氏吉水人邦華直節危行屢遭患難周絕無怨尤疑懼惟以忠義相勸勉卒於丁亥三月與忠肅殉難同期其生平合志有如此

賴南叔妻蕭氏萬安人夫早喪無子遺一女時寇大起築室與女共居如是者數年盜突至率女持利刃遮門詈曰昔寧化曾氏婦立砦殺賊舉室以守汝謂我刃不利耶賊怒縱火焚之二人咸燼

劉位妻康氏劉仕妻周氏劉俊妻姚氏安福人康年十八而寡周年二十四而寡姚年二十一而寡皆守節以壽終天啓間建坊旌表

王藹妻劉氏安福忠節劉鐸女也幼敏慧過人學書又學劍年二十一藹卒遺孤文度尚未晬矢志守節甲申之亂有猾將張姓者陽以軍需責餉欲逼劉氏劉以刃相向曰有斷頭寡婦無辱身寡婦也張乃止劉祭父親自為文又刻父遺集未竟而卒時年三十五

子文度為邑庠生搜其詩文遺藁十餘卷未及刻而卒

朱國璿妻劉氏安福人國璿沒遺二子親戚勸其他適劉泣曰祖母謝氏貞壽名堂妾敢隳先烈而棄藐諸乎紡績課子終身弗怠壽八十卒龍泉郭維經以詩表之

劉龍至妻歐陽氏安福人龍至弱冠卒歐陽矢志上奉舅姑下撫孤子以壽終郭維經志其墓子岱天啓丁

卯舉於鄉博學有才名

袁以達妻蕭氏廬陵人年二十七而寡無子遺一女曰外珠蕭嘗謂女曰吾不殉父者惟汝累耳服除母欲奪其志夜即投河死女亦隨之而死

劉攀妻袁氏龍泉人年十六夫亡撫遺腹子守節事姑以孝聞歷六十餘年天啓間旌表

朱寅奮妻劉氏吉水人寅奮早卒劉撫孤廷相廷植壽六十餘旌表

蕭舜日母陳氏永寧人年十九生舜日方七十日而寡
守節五十年壽七十

婁永齡妻藍氏吉水人年十八適婁僅一月而寡立嗣
守節崇禎間巡按周燦具題旌表

田稅妻王氏廬陵人年十九而寡撫孤守節崇禎間旌
表

楊赤鉉妻歐陽氏泰和人年二十夫亡撫孤仁愿登崇
禎甲戌進士官御史請於朝奉敕建坊壽七十二而

終

胡中洋女吉水人年十六未字崇禎癸未張寇陷城逃於天獄山遇賊欲辱之憤罵不已賊怒而殺之

彭璵妻劉氏安福人年二十九而寡守節撫孤歷五十餘年崇禎間建坊旌表

楊氏廬陵人名文姑許婚羅氏未嫁而夫夭誓不再字父母強之即求自盡苦節五十餘年崇禎間旌表

劉吉德妻徐氏安福人年二十而寡守節撫孤泐中崇

禎已卯解元徐壽七十卒

李士開妻歐陽氏妾宋氏吉水人士開早卒宋有子在襁褓歐陽撫之相倚守節教子力學御史上其事建雙節坊

張邦載妻尹氏永新人年二十二夫亡撫子士瓚守節三十年卒邑令管正傳祀於譚貞烈祠永新舊祀八人得節婦而九劉光震撰碑文

李命妻顏氏永新人年二十五夫亡欲殉節以有子乃

止及子病卒顏一慟而絕時年三十六

劉氏名次王安福人幼字王教保教保浪遊死父母強之改嫁潛投塘死數日屍出如生

劉周井妻王氏安福人年二十二周井歿無子撫女守節及歸寧母不諒即返踰年母促之歸是夜哭甚哀遂自盡

彭彥士妻劉氏安福人年十七適彭生一子彥士以貧舌耕於外疾危聞於家劉曰盍先死幸則以身代不

幸亦先夫往遂自縊後彥士病愈人以為劉之激烈
所感

劉次六妻李氏安福人年二十歸劉僅二年次六卒李
曰翁姑蚤世子女無傳吾惟隨夫地下耳踰月喪事
稍畢遂自縊而死又李氏名桓珠適郁未踰年夫歿
亦自縊死

劉一五妻朱氏安福人生二子一五館於楚而卒朱年
二十四親往奔喪遇土寇欲辱之朱誓死不屈以首

觸夫柩血流不止寇遂釋之楚人士重其義捐金助之歸葬以養姑訓子終

王茂妻劉氏安福人事繼姑以孝聞家貧延師課子年六十而終

劉雲河妻曾氏廬陵人年十八夫亡守節有貴人欲奪其志曾引刀自截其耳乃止年六十二而終

朱家臣妻顏氏安福人夫亡誓死守節撫二子迄成立歷四十年崇禎間建坊旌表

周長清妻劉氏名珍娘永新人歸周甫七日獻寇入境
家人謀避地劉以輿力護其姑而已步行為賊所追
及露刃脅之大罵曰吾頭可斷身不可辱賊怒遂殺
之

蕭衡良妻黃氏廬陵人獻賊寇吉黃氏與嫂某氏決計
同死及寇至兩人攜手赴水寇憐而出之厲罵曰誰
能從汝輩偷生乎竟死

歐陽欽孔妻康氏龍泉人年二十五夫亡撫兩月孤坐

卧一房足不履閨外一女奴左右將命有妣以他語告者輒唾其面而提刀以眎事姑盡孝訓其子成立年五十有五卒

鄒元標墓表

梁懋熙妻郭氏龍泉人年二十三夫亡郭拮据葬畢自

縊死崇禎間建坊旌表

吉安府志

王應梗妻周氏安福人年十七歸王氏未二載而夫歿矢志守節撫孤養姑年七十二巡按周燦題請旌表

西巡政畧

劉顯泰妻楊氏胡究妻曾氏

俱廬陵縣旌表

方子銓妻康氏歐陽甫妻尹氏陳玉環妻蕭氏劉仲勉

妻李氏劉仲斌妻胡氏韋伯魚妻康氏歐陽訓妻尹

氏梁教妻楊氏胡日舒妻歐陽氏尹氏雙節蕭氏郭

氏

俱泰和縣旌表

周梧鳳妻宋氏周翔鳳妻藍氏陳洪妻劉氏

俱吉水縣旌表

彭勉恢妻歐陽氏謝寶妻朱氏蕭廷英妻彭氏姚相魯

妻歐陽氏

俱安福縣旌表

李文奎妻鄴氏王徵明妻曾氏黃萃六妻李氏李搏

妻王氏李復之妻郭氏

俱吉水縣
先後死難

劉所安妻曾氏姚弘達妻張氏劉耀旦妻羅氏王玉二

妻容氏劉旋四妻張氏鍾泓妻袁氏某生妻吳氏

俱永

豐縣先
後死難

彭炯妻周氏王街妻湯氏王祇台妻曾氏王觀上妻姚

氏王公敬妻孫氏陳五典妻王氏郁鮮塵妻陳氏彭

石郎妻王氏康景禮妻羅氏黃章美妻廖氏鄧劍妻

胡氏劉年玉妻馬氏劉玉妻歐陽氏彭崑生妻劉氏

王晉妻左氏鄒宗孟妻羅氏黃某妻劉氏

俱安福縣先後死難

劉一春妻彭氏陳道妻蕭氏周岐妻郭氏彭春妻郭氏

劉欽秀妻蕭氏蕭必暄妻郭氏郭常禮妻劉氏郭有

詵妻劉氏楊廣藍妻蕭氏劉景達妻張氏

俱萬安縣先後死難

劉石樑妻朱氏

永新人死寇難

國朝

彭子恭妻李氏吉水人年十九夫亡里中有富家子欲

娶之曰吾不能從夫死姑在吾從姑耳惟以養姑教子為事歷四十餘年順治十四年奉旌

劉氏二烈婦廬陵劉護妻孟氏名秋姑歸劉三載劉孟丑妻李氏歸劉猶未成婚會兵變二氏登樓自縊死順治十五年旌表

安志

宋元卿妻鍾氏永豐人歸宋五載而元卿卒鍾年甫二十無子立姪為後撫之守節歷四十年順治十六年奉文建坊旌表

邱山妻劉氏廬陵人年二十三山沒劉慟哭幾絕姑救之乃甦有勢宦欲娶之即翦髮自誓寧死不二代夫養生送死歷五十餘年順治十七年旌表

胡良弼妻劉氏廬陵人夫卒遺孤甫數歲劉年二十一堅志守節事姑以孝聞教子力學順治十八年建坊旌表

彭之琮妻郭氏龍泉人年十七歸彭越五年琮卒郭年二十一撫子惟煥惟輝守節凡所習學郭自為訓之

後皆補弟子員卒年七十有四康熙二十一年旌表
邑人蔡文詔為之傳

羅氏吉水羅匡湖孫女適永豐程仲庸仲庸痛父殉死
嘔血成疾卒羅亦觸石而死時年二十事聞建坊旌
表額曰一門忠孝節烈

黃麟徵妻劉氏吉水人年十九夫亡守節康熙三十五
年建坊旌表

李士齊妻鄧氏吉水李忠肅邦華之媳明天啓丁卯士

齊歿撫孤守節歷四十年康熙三十五年奉旌

易啓河妻吳氏廬陵人年二十九啓河卒吳誓死守節
康熙三十八年建坊旌之

李氏吉水李士齊女適安福王嘉禎年二十一夫亡撫
子錫守節事舅姑孝謹康熙三十八年奉旌

鄒膺黻妻伍氏字毓貞廬陵伍慎菴孫女性敏慧通詩
書年二十一夫亡撫子崑守節事舅姑以孝聞康熙
三十八年建坊旌表

解心翼妻張氏名元鈐永豐人性淑慧通孝經內則義
年十七歸解事舅姑婉順莊敬得其歡心心翼卒時
氏年二十五痛欲身殉父慰諭之以老人在堂弱息
在抱一身之任方重誓節辛勤中夜紡絡恐聒舅姑
寢遂水其軸令無聲曲體孝養類如此姑先失明旋
得廢疾扶侍湯藥唯謹二十六年如一日既歿喪葬
如禮訓二子俱成名以次子以敬貴贈安人康熙三
十八年奉旌儀封宗伯張伯行表其墓

謝上譽妻康氏永寧人年二十五夫亡守節教子能文
康熙四十三年以貞恪守節奉旌

劉志道妻王氏安福人年二十三夫亡誓死守節歷數
十年不懈康熙五十四年建坊旌表

王體仁妻彭氏安福人年二十四夫亡哭泣幾至喪明
家貧紡績自給撫一歲孤成立年五十餘卒康熙五
十四年旌表

徐文遠妻龍氏吉水人有孫姓者欲汙之不從被毆死

事聞旌表

鄧氏南康縣民鄧子御之女字標秀許聘萬安許承詔子將愈年十八未歸將愈卒標秀聞訃號泣即登樓自縊死康熙五十六年旌表

劉夢祖妻黃氏安福人年十九夫志守節同邑郁展其妻劉氏劉高梧妻王氏俱苦志守節各三十四年康熙六十年旌表

康待儒妻郭氏龍泉人年二十誓節歷四十八年康熙

六十年旌表

郭玉達妻陳氏萬安人年二十一守志凡四十六載雍
正二年奉旌

邱魯鳳妻羅氏廬陵人年二十七以姑老子幼誓節同
邑裴一銓妻盧氏年二十三夫歿生遺腹子家貧紡
績以養舅姑劉天柱妻彭氏天柱遊楚沒竭力歸葬
劉士錦妻郭氏夫亡年十九邱象昊妻習氏羅世鼎
妻戴氏李師靖妻彭氏黃惟宏妻歐陽氏譚恩妻彭

氏戴廷傳妻王氏李良驗妻王氏劉相銓妻婁氏胡
衛臣妻曠氏俱年二十餘守節各歷三四十年俱雍
正四年旌表

黃裔大妻曾氏永豐人年二十守節三十三載而卒雍
正四年奉旌

蕭大成妻周氏吉水人年十九而寡撫兩月孤同邑鄧
秀妻王氏年二十撫孤孤歿撫孫守節歷四十年俱
雍正四年建坊旌表

劉禹三妻康氏泰和人年十八夫亡舅姑老且病康備
極敬養撫遺孤至於成立同邑尹隆生妻蕭氏劉嶠
妻彭氏蕭崇桂妻曾氏俱年二十餘守節俱雍正四
年旌表

王弘諱妻劉氏劉斐泉妻王氏王天因妻劉氏文德弘
妻劉氏周瀚妻顏氏劉梁妻王氏顏令圭妻謝氏俱
安福人年少失節各歷三四十年的雍正四年奉旌
龍起範妻李氏永新人夫歿年十九外家勸之他適李

怒以沸湯破面嚼指滴血誓無他志姑病值歲飢李
拮据藥餌日不食者再姑尋卒竭力喪葬守節凡三
十三載雍正四年旌表

歐陽振孚妻王氏安福人年十八振孚客死楚南王典
衣被為迎柩資歸葬如禮家貧紡績養姑年八十七
而卒雍正四年旌表

張之珽妻郭氏梁嘉作妻王氏張士颺妻陳氏俱龍泉
人矢志守節各歷三十餘年俱雍正四年奉旌

劉國琦妻丁氏安福人年十六國琦遠商滇南客死丁
百計歸其骨奉八旬翁備極孝養守節凡四十二年
雍正四年旌表

劉匡勸妻陳氏龍雲登妻左氏陳蟾枝妻耿氏龍協萬
妻江氏湯籌妻賀氏龍永慶妻譚氏賀奏勲妻劉氏
俱永新人年少守節並雍正四年奉旌

劉配光妻王氏安福人年十九夫歿撫遺腹子成立苦
節至七十一歲雍正四年旌表

胡智天妻王氏廬陵人年十八夫歿無子值兵燹依叔
母以居同邑曾于天妻李氏李秉乾妻劉氏羅雲妻
彭氏劉國枋妻蕭氏何弘昊妻傅氏李二玉妻曾氏
游一品妻李氏丁良祥妻鄭氏俱年二十餘撫孤守
節俱雍正五年旌表

艾國俊妻戴氏吉水人年二十一守志凡五十七年而
卒雍正五年旌表

劉斌妻吳氏王澍妻劉氏劉體元妻周氏萬和妻周氏

劉振墀妻朱氏萬一本妻蕭氏俱安福人矢節各三
四十年俱雍正五年奉旌

張善楫妻吳氏萬安人年二十二守志凡三十九載雍
正五年旌表

周景韓妻蕭氏龍泉人守節歷四十餘年雍正五年奉
旌

羅欽堯繼妻李氏廬陵人年二十一欽堯卒矢志守節
前妻女敬姑適李而壻夭慕母行歸共守節丙戌兵

入境未及逼李即赴水死雍正五年旌表

按羅節婦舊志或載入明末或謂康熙初年巡撫
董衛國題旌皆誤

李向榮妻張氏廬陵人順治丙戌兵入境露刃脅之張
不從遂遇害雍正五年奉旌

賀錦旗妻高氏廬陵人年二十四夫歿無子時姑且老
賸家遭火高負逃得免撫姪守志歷四十四年雍正
六年奉旌

樊紹聖妻賀氏永新人順治初隨夫避地遇賊被執欲
汙之賀曰放阿夫便從爾賊釋紹聖露刃脅之賀大
罵見殺雍正六年奉旌

張元鈿妻彭氏龍泉人順治初山寇所在刦掠彭抱子
隨夫匿陽關渡口賊勢迫彭語元鈿曰家世清白不
可受汙以子遺夫投水死越四日元鈿得其屍於紫
陽觀之曲水隈顏色如生雍正六年旌表

尹銑妻劉氏泰和人年二十二矢節雍正六年旌表

劉文魁妻戴氏廬陵人年十八而寡遺腹子尋殤誓不
他適引刀割肉以明志同邑羅中峯妻晏氏周德讓
妻劉氏范肇文妻劉氏劉文縱妻孫氏俱青年矢節
各歷三四十一年俱雍正七年旌表

謝伍生妻黃氏謝惠邦妻周氏俱吉水人黃年十八周
年二十四守志各歷四十餘年俱雍正七年奉旌

王愈融妻劉氏泰和人年二十四守節雍正七年旌表
劉虞裔妻王氏安福人撫孤夫志凡五十一年雍正七

年旌表

解以正妻姚氏名儀一永豐人年二十八而寡艱辛訓
子友松成名誓節凡三十二載同邑聶其智妻陳氏
年二十七守志孝奉繼姑撫二子俱成立俱雍正七
年建坊旌表

謝氏名活姑安福人性貞靜九歲時母病嘗藥及母卒
哀痛擗踊水漿不入口者三日許聘同邑彭隆祖未
嫁而隆祖卒氏聞不欲生夜乘家人不及覺自經死

時年十五雍正八年旌表

龍時乘妻歐陽氏汪燦仁妻蔡氏蕭汝哲妻郭氏段靄
四妻楊氏俱廬陵人矢志守節俱雍正八年旌表

黃長發妻李氏吉水人忠肅邦華曾孫女年十九而寡
所親微露以他適意李怒斥曰我生忠臣門當為守
節婦奈何出此敗倫語也紡績訓子矢志不二同邑
郭其沆妻蕭氏年二十誓節俱雍正八年旌表

蕭從沛妻王氏泰和人進士愈擴女夫亡年二十無子

撫姪守節凡四十一年雍正八年旌表

周氏吉水人年二十二適廬陵段學半二載夫歿守節三十三年雍正八年奉旌

胡任弘妻劉氏安福人年二十七而寡矢節凡四十五載雍正八年奉旌

蕭公璵妻劉氏廬陵人年二十四夫亡守節六十一年事舅姑孝撫猶子續夫祀年八十有五又同邑蕭華國妻蔣氏青年守志撫孤孝奉舅姑俱雍正九年旌

表

胡文獻妻邱氏廬陵人年二十五夫亡奉遺命事舅姑
以孝聞撫孤續祀苦節三十六年又同邑蕭肖虎妻
李氏青年撫孤夫節三十四年壽五十九俱雍正九
年旌表

錢泰逢妻王氏吉水人年十九夫亡撫四月孤成立苦
節四十六年年六十五雍正九年旌表

周應選妻曾氏泰和人年二十三夫亡撫孤誓節四十

年又同邑歐陽泰妻劉氏青年撫孤守節俱雍正九年旌表

周懋覺妻王氏安福人青年夫亡奉姑撫孤苦節三十餘年雍正九年旌表

宋鵬年妻錢氏永豐人年二十二夫故錢願以死殉因有身冀得一男以續夫祀迨產女痛絕不欲生姑力勸之乃勉從姑命食貧茹苦守節三十三年雍正九年題旌

陳禘嘗妻解氏名友榕永豐人孝廉以敬女性貞靜事
父母極孝年十七歸禘嘗舅姑早歿氏奉遺容每食
必薦八載夫病禱北辰願以身代比卒哀毀不欲生
時祖母張以節孝奉旌以是相慰勉氏矢貞苦節數
十年夫有幼妹氏撫之同所生為擇配助奩教二子
俱成立雍正九年題旌

劉懷亭妻甘氏安福人年二十三夫亡撫遺腹子守節
家極貧糜粥養姑而自飲水漿或終日枵腹姑病篤

甘禱於神誓以身代姑歿哀痛拮据喪葬如禮坐卧
一小樓日夜紡績以給撫孤子成立年八十以壽終
尹朝任妻劉氏永新人年二十一適朝任甫兩月而朝
任卒哀毀骨立經營喪葬持服四十九日投繯以殉
焉祀節孝祠

蔣慶燦妻蕭氏嫂周氏媳陳氏賀智虞妻曾氏郭狀猷
妻王氏郭中怡妻夏氏劉九疇妻李氏宋名儒妻曾
氏姚同登妻郭氏郭釗妻李氏田用登妻歐陽氏蕭

乘龍妻楊氏郭鎮方妻康氏陳曠妻周氏蕭于嵩妻
周氏王之賓妻康氏張如璧妻李氏黃憲葉妾陳氏
孫媳歐陽氏趙通也妻蕭氏彭應時孫媳段氏羅氏
女仲姑戴大德妻高氏胡本濯繼妻王氏匡山公妻
段氏龍元秋妻胡氏胡際晉妻蕭氏裴名瓊妻蕭氏
俱廬陵縣
丙戌死難

彭霽妻曾氏彭曰翔妻孫氏楊天挺二女名石卿端卿

蕭良傑孫女

俱泰和縣
先後死難

習自得母權氏丁田生妻張氏符君祿妻張氏余歸三

妻羅氏李簪二妻湯氏湯禹彝妻熊氏王前未婚妻

趙氏淮秀程宗元妻徐氏彭仕先妻楊氏羅蓋六妻

郭氏媳程氏

俱永豐縣
先後死難

鄧金奏妻周氏郭治隆妻康氏劉尚賞妻王氏歐陽光

繡妻劉氏王才生女王斐山妻劉氏彭杜若妻王氏

彭眉祝妻劉氏王磐千妻顏氏彭維新妻王氏及二

女婢救貞湯堯臣妻王氏

俱安福縣
先後死難

彭之玠妾郭氏張元綱妻彭氏郭玠妻羅氏曾國奇妻

康氏方朔妻李氏李賢臣妻張氏

俱龍泉縣
先後死難

曾尊儒妻彭氏蕭湯顯妻曾氏蕭必望妻劉氏媳龔氏

郭氏蕭珩妻張氏蕭穀方妻張氏蕭法先妻張氏郭

明徵孫女奇莊張之卓女蕭文遠妻嚴氏

俱萬安縣
先後死難

周九貢妻劉氏金瑞生妻賀氏周振元妻陳氏劉守臯

妻歐陽氏唐濬中妻劉氏龍刪易妻蕭氏左興國妻

朱氏朱海清妻劉氏左大器妻顏氏朱挾妻周氏劉


子顯妻賀氏汪龍文妻譚氏尹生俊妻王氏劉濟滂

妻尹氏姚一鼎妻劉氏

俱永新縣
先後死難

謝帝選妻李氏名錦娘永寧人

康熙丁巳
冬賊難



江西通志卷九十九